

Supervizor za Brčko pojašnjava situaciju vezano za budžet Brčko Distrikta

Da bi se izbjegla daljnja zabuna i nesporazumi do kojih bi moglo doći usljed medijskih izvještavanja u posljednje vrijeme, zajedno sa posljednjim saopštenjem za javnost gradonačelnika Brčkog vezano za prijedlog budžeta za 2006. god., supervizor za Brčko, Susan Johnson, bi željela razjasniti neke od osnovnih činjenica u vezi ovog pitanja.

Kao prvo, i dalje stoji ono što je supervizor navela u svom pismu gradonačelniku Đapi, gdje izražava svoje razočaranje što je osnovni pristup izradi budžeta i dalje pun nedostataka, što budžetski materijal daje podatke o budžetu na netransparentan način, ne predstavljajući jasno ciljeve, programe ili projekte kojima se ostvaruju prioritetni ciljevi. Vlada do sada nije dostavila materijale zbog kojih bi se ovi komentari mogli smatrati zastarjelim.

Kao drugo, supervizor nije izrazila ni odobravanje ni neodobravanje budžeta pošto ga još nije vidjela. Budžet kasni najmanje mjesec dana. OHR-u nije data prilika da ga komentariše. U želji da se dalje ne odugovlači, supervizor se složila da se prijedlog budžeta dostavi Skupštini.

I, kao treće, sada Skupština ima dužnost da pažljivo razmotri budžet. OHR je spreman da radi sa Skupštinom i iznese dodatne komentare na budžet za 2006. god. u redovnom postupku.